

Lög um heimild fyrir ríkisstjórnina að veita Baldri Óla Jónssyni leyfi til að stunda tanndrátt og tannfyllingar, undirskrifuð af ríkisstjóra sama dag, nr. 60.

Lög um málflytjendur, undirskrifuð af ríkisstjóra sama dag, nr. 61.

Lög um eftirlit með ungmennum o. fl., undirskrifuð af ríkisstjóra sama dag, nr. 62.

Lög um veiting ríkisborgararéttar, undirskrifuð af ríkisstjóra sama dag, nr. 63.

Lög um sérstaka heimild til að afmá veðskuldbindingar úr veðmálabókum, undirskrifuð af ríkisstjóra sama dag, nr. 64.

Lög um lendingarbætur í Skipavík, undirskrifuð af ríkisstjóra sama dag, nr. 65.

Hafnarlög fyrir Neskaupstað, undirskrifuð af ríkisstjóra sama dag, nr. 66.

Hafnarlög fyrir Patreksfjörð, undirskrifuð af ríkisstjóra sama dag, nr. 67.

Lög um afnám laga nr. 31 9. jan. 1935, um eftirlit með opinberum rekstri, undirskrifuð af ríkisstjóra sama dag, nr. 68.

Lög um heimild fyrir ríkisstjórnina til að selja hluta úr landi jarðarinnar Eyrar við Ingólfsfjörð, undirskrifuð af ríkisstjóra sama dag, nr. 69.

Lög um sölu þjóðjarðarinnar Hólms, undirskrifuð af ríkisstjóra sama dag, nr. 70.

Lög um breyting á lögum nr. 82 9. júlí 1941, um viðauka við lög nr. 73 31. des. 1937, um gjaldeyrisverzlun o. fl., undirskrifuð af ríkisstjóra sama dag, nr. 71.

Lög um breyting á lögum nr. 26 23. júní 1932, um Brunabótafélag Íslands, undirskrifuð af ríkisstjóra sama dag, nr. 72.

Lög um Brunabótafélag Íslands, undirskrifuð af ríkisstjóra sama dag, nr. 73.

Lög um sölu kirkjujarðarinnar Hvanneyrar í Siglufirði, undirskrifuð af ríkisstjóra sama dag, nr. 74.

Lög um breyting á lögum nr. 57 29. des. 1937, um lestrarfélög og kennslukvikmyndir, undirskrifuð af ríkisstjóra sama dag, nr. 75.

Lög um styrk til Íslendinga vestan hafs til náms í islenzkum fræðum í Háskóla Íslands, undirskrifuð af ríkisstjóra sama dag, nr. 76.

Auglýsing um breyting á aðflutningsgjöldum á vörum, sem eru taldar í 18. gr. laga nr. 62 1939, um tollskrá o. fl., undirskrifuð af fjármálaráðherra 7. júlí 1942, nr. 77.

Auglýsing frá ríkisstjórninni, birt í 23. tbl. Lögbirtingablaðsins 41 1942, um takmörkuð umferðarleyfi á Reykjanesi vegna hernaðar- 18. maí aðgerða ameríska hersins.


Í því skyni að ameríska hernum megi takast að verja Ísland og draga sem mest úr áhættu landsmanna, er aðeins takmörkuð umferð leyfð um svæði það á Reykjanesi, sem sýnt er á hér birtum uppdraetti.

Á Reykjanesi norðvestanverðu allt það svæði, sem afmarkast af línu dreginni yfir nesið, og liggur hún þannig: hefst í Litlu-Sandvík og liggur þaðan austur á við h.u.b. 6.3 km til staðar, sem liggur um 1 km í suður frá Sandfellshæð, þaðan í norðaust-læga átt h. u. b. 13 km vegalengd upp á brún hæðar þeirrar, er nefnist Litla Skógfell, þaðan í norðurátt h. u. b. 6.3 km vegalengd til strandarinnar skammt innan við Grímshól á Vogastapa.

Land það, sem aðeins takmörkuð umferð er leyfð um, skal ekki taka yfir Innri Njarðvík, Ytri Njarðvík, Keflavík, Leiru, Garð, Sandgerði, Hvalsnes, Stafnes, Hafnir, né heldur tiltekin landsvæði ræktuð eða umbætt og eru þau sýnd utan merkjalínu greinds svæðis á áðurgreindum uppdraetti.

Auk þess eru neðangreindir vegir innan svæðis umferðatakmarkunarinnar undanskildir takmörkuninni, svo sem sýnt er á uppdraettinum, sem hér er prentaður með.

41
18. mai



1. Vegurinn um Njarðvíkur, Keflavík, Leiru, Garð, Sandgerði og Stafnes.
2. Vegurinn frá Innri-Njarðvík til Hafna.
3. Vegurinn til Grindavíkur.

41

18. maí

Landamerki þessara kaupþúna og svæða verða auðkennd með staurum máluðum rauðum og hvítum.

Bannsvæði.

Allir þeir staðir, þar sem tæki eru sett upp, mannvirki reist eða hernaðarstörf framkvæmd, innan þess svæðis, sem aðeins takmörkuð umferð er leyfð um, eða eru afgirtir og merktir sem slíkir, eru bannsvæði.

Íslendingar mega ekki fara inn á áður nefnd svæði, sem bönnuð eru eða aðeins leyfð takmörkuð umferð um, nema þeir hafi í höndum tilhlýðileg vegabréf. Vegabréf samþykkt af íslensku ríkisstjórninni fást, þegar um þau er beðið hjá bæjarfógetanum í Hafnarfirði og lögreglustjóranum í Keflavík, og munu þeir leiðbeina umsækjanda til hlutaðeigandi ameríks starfsmanns. Umsókninni skulu fylgja tvær myndir af umsækjanda, 5 × 5 cm á stærð. Umsóknin skal tilgreina þann sérstaka hluta takmarkaðs eða bannaðs svæðis, sem umsækjandinn óskar að fara um, og sömuleiðis á hvaða tíma eða tímum og í hverjum tilgangi hann hyggst að fara þar inn. Sá, sem fer um takmarkaða eða bannaða svæðið, skal ávallt bera á sér vegabréf sitt.

Engar ljósmyndavélar eða myndatökuáhöld má fara með inn á takmarkað eða bannað svæði, né geyma þar.

Vegabréf þurfa Íslendingar ekki til þess að ferðast um neðangreinda vegi:

1. Veginn um Njarðvíkur, Keflavík, Leiru, Garð, Sandgerði og Stafnes.
2. Veginn frá Innri-Njarðvík til Hafna.
3. Veginn til Grindavíkur.

Þar, sem vegir þessir liggja um þau svæði, sem umferð er takmörkuð um, er frjálst að fara um veginn, en hvorki má farartæki né maður staðnæmast þar né dvelja.

Íslenskar flugvélar mega ekki fljúga yfir áðurgreind svæði, sem umferð er takmörkuð um, og eigi nær þeim en í 24 km fjarlægð.

Auglýsing frá ríkisstjórninni, birt í 27. tbl. Lögbirtingablaðsins 1942, um endurnýjun ferðaskírteina skipa hjá brezku hernaðaryfirvöldunum.

42

27. maí

Brezka flotastjórnin hefur tilkynnt íslensku ríkisstjórninni, að nauðsynlegt sé, að öll íslensk skip, 10 til 750 smál. að stærð, fái endurnýjuð eins fljótt og hægt er, ferðaskírteini þau, sem um ræðir í tilkynningu ríkisstjórnarinnar, dags. 7. marz 1941.

Skírteini þessi verða afgreidd sem hér segir: Í Reykjavík hjá brezka aðalkonsúlnum, á Akureyri hjá brezka vice-konsúlnum, á Seyðisfirði hjá brezku flotastjórninni og í Vestmannaeyjum hjá brezku hernaðaryfirvöldunum.

Auglýsing frá ríkisstjórninni, birt í 38. tbl. Lögbirtingablaðsins 1942, um ljósmyndatökubann herstjórnar Bandaríkjanna.

43

8. júlí

Herstjórn Bandaríkjanna hefur bannað ljósmyndatökur á Gróttu við Reykjavík og í Hvalfirði, einnig á öllum flugvöllum, flugvélastýlum, fallbyssustæðum, loftvarnarbyssustæðum, strandvarnarbyssustæðum, höfnum og hafnarmannvirkjum. Einnig er bannað að ljósmynda flugvélar, herstöðvar og herskip.